

**Bosna i Hercegovina
Federacija Bosne i Hercegovine
Tuzlanski kanton
JU Služba za zapošljavanje TK
Tuzla**

Broj: 01-11-4-841-5/24

Datum, 02.08.2024. godine

Na osnovu člana 69. stav (1) tačka b), stav (2) tačka d) i člana 70. Zakona o javnim nabavkama Bosne i Hercegovine („Službeni glasnik BiH“, broj: 39/14 i 59/22), člana 21. Statuta JU Službe za zapošljavanje TK broj: 01/1-1-45/2-17-1 od 26.09.2017. godine, broj: 01/1-1-45/2-17-1/19 od 19.08.2019. godine, broj: 01-02-541/P-5/19-4 od 21.01.2020. godine, broj: 01/1-04-379/21-3 od 10.06.2021. godine i broj: 01/1-04-1-429-9-3/22 od 19.07.2022. godine, direktor donosi:

**ODLUKU
o poništenju postupka javne nabavke**

Član 1.

Poništava se postupak javne nabavke usluge iznajmljivanja i uređenja prostora za održavanje sajma zapošljavanja 2024., obzirom da nijedna od primljenih ponuda nije prihvatljiva.

Član 2.

Postupak javne nabavke iz tačke 1. ove Odluke, poništava se u skladu sa članom 69. stav 2. tačka d) Zakona o javnim nabavkama Bosne i Hercegovine.

Član 3.

Ova Odluka bit će objavljena na web stranici JU Služba za zapošljavanje Tuzlanskog kantona, www.szztk.ba.

O b r a z l o ž e n j e

Postupak javne nabavke usluge iznajmljivanja i uređenja prostora za održavanje sajma zapošljavanja 2024, pokrenut je Odlukom o pokretanju postupka broj: 01-11-4-841/24 od 19.07.2024. godine.

Obavještenje o nabavci broj: 647-7-2-86-3-38/24, sa tenderskom dokumentacijom, objavljeno je 19.07.2024. godine. Sažetak obavještenja objavljen je u Službenom listu Bosne i Hercegovine.

Rok za dostavu ponuda bio je 31.07.2024. godine do 13:30 sati.

Do roka ostavljenog za dostavu ponuda, stigla je samo jedna ponuda, ponuđača „Tuzlanski sajam“ doo Tuzla, a što je konstatovano Zapisnikom o zaprimanju ponuda broj: 01-11-4-841-2/24 i Zapisnikom o otvaranju ponuda broj: 01-11-4-841-3/24 od 31.07.2024. godine.

Međutim, nakon što je Komisija za javne nabavke izvršila pregled i ocjenu, utvrdila je da ponuda navedenog ponuđača ne ispunjava sve uslove tražene tenderskom dokumentacijom.

Naime, U skladu sa članom 3.4.2. Tenderske dokumentacije, ponuđači su bili u obavezi dostaviti spisak izvršenih ugovora o pruženim uslugama koji su predmet nabavke, u posljednje 3 (tri) godine ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od 3 (tri) godine, koji sadrži minimalno jedan ugovor čija ukupna vrijednost iznosi najmanje 20.000,00 KM bez uračunatog PDV-a.

Uz spisak izvršenih ugovora ponuđač je bio dužan dostaviti i najmanje jednu potvrdu, koja je u vezi sa spiskom izvršenih ugovora o pruženim uslugama (čija vrijednost nije manja od 20.000,00 KM bez PDV-a), a koje daje druga ugovorna strana o njihovoj realizaciji.

Naprijed navedene tražene dokaze, ponuđač je, u sklopu svoje ponude, dužan dostaviti **originale ili ovjerene kopije dokumenata** (organ uprave – općina, sud ili notar).

Ponuđač „Tuzlanski sajam“ doo Tuzla, u kontekstu naprijed traženih dokaza, dostavio je printanu korespodenciju e-maila, kojim traži dostavu potvrde za referens listu, a na kome hemijskom olovkom napisano, navodi tri firme kod kojih je vršio uslugu koja je predmet nabavke, bez naznačenih vrijednosti.

Pored navedenog, a što je Komisiju za javne nabavke i opredjelilo da ovu ponudu ocijeni neprihvatljivom, jeste dostavljena **printana kopija potvrde o uspješnoj realizaciji Ugovora**, izdata od stane firme Edge doo Sarajevo.

Također, Ugovor o realizaciji usluge koja je predmet nabavke sa navedenom firmom, nije konkretno „nabrojan“ u dostavljenom spisku izvršenih ugovora, a u skladu sa TD, dostavljena potvrda je morala biti u vezi sa spiskom izvršenih ugovora.

U skladu sa naprijed opisanim, odnosno činjenicom da ponuda ovog ponuđača ne ispunjava sve uslove tražene tenderskom dokumentacijom, Komisija je ponudu ovog ponuđača ocijenila neprihvatljivom za ugovorni organ.

Analizirajući dostavljenu dokumentaciju, direktor nije našao nepravilnosti niti propuste u radu Komisije, koji bi bili osnov za neprihvatanje njihove preporuke te je utvrdio da je Komisija u cijelosti postupila u skladu sa Zakonom o javnim nabavkama, podzakonskim aktima i tenderskom dokumentacijom.

Obzirom na sve naprijed navedeno, odnosno činjenicu da nijedna primljena ponuda nije prihvatljiva te da je Komisija u svemu postupila u skladu sa Zakonom o javnim nabavkama i podzakonskim aktima, u skladu sa članom 69. stav 2) tačka d) odlučeno je kao u članu 1. ove Odluke.

Uputstvo o pravnom lijeku:

Žalbeni postupak može se pokrenuti u roku od 5 dana od dana prijema ove Odluke, u skladu sa članom 101. stav (5) tačka c) Zakona o javnim nabavkama (“Službeni glasnik BiH”, broj: 39/14 i 59/22).

U skladu sa članom 99. Zakona žalba se podnosi u pisanoj formi u dovoljnom broju primjeraka, a koji ne može biti manji od tri, kako bi mogla biti uručena izabranom ponuđaču i drugim strankama u postupku.

Dostaviti:

1. „Tuzlanski sajam“ doo Tuzla
2. Odjeljenje za pravne i opće poslove
3. a/a

Pripremila:

mr.iur.Ahmetović Benisa, bachelor prava
Stručni savjetnik za javne nabavke i pravne poslove



DIREKTOR

Miralem Softić, dipl.oec